

A2^v

Johannes Schauberd
dem Vnparteiſchen Lefer fei-
nen Gruß.

Lieber Lefer/ Es haben ſich
eine zeitthero inn etzlichen ver-
floffenen Jahren/ Auch in dieſem
jetzigen/ eintheils vmbauffende
vnnd vorlauffene betriegeriſche
Vaganten/ vnwürdige Allchymiften/ darbe-
neben dergleichen Ottergezichte/ Zoili.
Auch Nafenweife vnnd falſche gEfallen ge-
funden/ die ſich zufammen Rottieren wol-
len/ vnnd Malitioſè mit Calumnien meiner
kundſchafft/ Zuftandes oder Chymiftiſcher
laboribus gleichfam ſich rhûmen/ Solches
alles zuvorkleinern / vnd mit jhren betrige-
riſchen Bubenftücken zu maculiren, zu vn-
terwinden vnnd vorzunehmen / Auch tücki-
ſcher vormeinter weife/ mich bey hohen vnd
niedern Standes/ vorweißlichen mit Aff-
terreden anzufetzen/ als das ich wenig Wiſ-
ſenſchafft oder Verftendnis in den artibus
Chymiaë tragen folte/ Jm fall/ da ich etwas
wüſte/ folche Kunft von jhnen/ (als die
ſchönen Creaturen der Affen) gelernet vnd
erfahren haben folte? Dieweil ſie dann ſo
fürtreffliche/ gelerte vnnd erfahrne Chymi-
ften

A3^r

ftē fein wollen/ Gebe ich kurtzlich dieſe
 Antwort/ dʒ ich billich meinem lieben Gott
 zu dancken/ was er mir in der Chymia ſo viel
 es auch iſt/ vorliehen/ das ich aber alles
 wiſſen ſolte/ das begehre ich nicht/ iſt mir
 auch vnmöglich. Das aber/ was ich hie-
 rin wuſte/ von denſelben Ruhmrettigen vnd
 vorwitzigen Gefellen/ die jhre vnnütze Win-
 de zum offtern fahren laſſen/ ſolte gelernet
 haben/ Das treibet die gifftige vnnd vor-
 leumbdiſche Zunge auß jhren Rachen/ da-
 bey man derſelben jhre Gottfeligkeit erken-
 net. Vnd was ſol einer von den Sudelkõ-
 chen vnd Suppentöpfen/ Aquauit brenner/
 einigen Handgriff gelernet haben/ wie dieſe
 principia als Sal, Sulphur, vnd Mercurius ſol-
 len geſcheiden werden/ ſo es jhnen doch al-
 les Böhemiſche Dörffer ſind/ ob ſie gleich
 ein wenig Latein vorſtehen wollen/ vnnd
 wiſſen/ cuius caſus Iohannes, So vormeinet
 jhr auch zu wiſſen/ cuius generis & gradus ſey
 Sulphur & Mercurius, &c. Ergo:

O jhr faulen gEſellen/ Wo ſtehen ewre
 Ohren/ Wie/ wann ich dann Brieffe bey
 mir hette/ die vor zehen Jahren einſtheils
 geſchrieben/ euch einen vnterricht mit zu-
 theilen/ in den Artibus Chimiaē, vorhanden/
 welche auch noch nicht verlaſſen ſind. Das
 Aber ein vnzeichtiger/ laufiger Sophiſt, vor-
 A iij werf-

A3^v

werffen wolte/ ich hette viel darmit zu
bracht/ So ist es mein Patrimonium, vnd
nicht eines andern/ welches erworben vnd
ererbet/ Niemand mit Vinanzerey armer
Leute Schweiß vnd Blut abgezwagt wor-
den/ so rewet michs auch nicht/ was an die-
se Kunt etlich 20. Jahr gewendet/ GOTT
gibt vnd hilfft zu jederzeit. Das kan aber
mit Warheit bewiesen werden/ vnd nehme
die Vorleumbder einestheils selbsten zum
Zengnis/ mit ehrlicher Herrn/ Leute Schrei-
ben/ so wol vortrefflichen Grafen vnd Her-
ren/ auch dem Adel/ Doctoribus vnd Gelerten
der Medicin, welche von mir sonderlichen
vor zwölff Jahren vnd newlicher Zeit Ex-
tracta vnd Bereitung etlicher Effentz vnd
Arcana von mir berichtet/ empfangen ha-
ben/ also den Medicis befehle darmit zuge-
bahren/ nach jhrem verstande zu Appliciren,
vnd den Patienten zur Gefundheit (wann es
gantz fertig) zureichen vnd einzugeben wiß-
sen werden// vnd wann mir der Allmechtige
Gott/ Gelegenheit der zeit vnd ort geben
wird/ wehre ich nicht in Abrede/ etzliche Ar-
cana einzurichten vnd zu præpariren, vnd
achte wenig eine vnreiffe Kunt vnd Vor-
stand/ Sondern vergleiche einen verleumb-
ten einem Hunde/ was derfelbige speyet/
das friffet er wider/ es wil einer ein Chymi-
cus

A4^r

cus fein/ vnd fticht wie ein Otter/ vnnd ver-
 nichtigt die Chymicam zum ergften/ Weil
 er es mit feinen Henden vnd Klugheit nicht
 ergreifen kan: Laß mich fein/ der ich bin/
 mit meiner Chymia. Es feind viel fůrtreff-
 liche hohe Menner/ die damit vmbge-
 hen/ Als Könige/ Fůrften/ Grafen/ Herren
 vnd andere/ bedencke dich wol. Dann es ift
 nicht einem jeden gegeben zu fehen/ der grof-
 fe Augen hat/ nit ein jeglicher horet der grof-
 fe Ohren hat. Es ift ein Schneider/ darumb
 kein Seidenkramer/ ob er gleich mit Sam-
 mit vnd Seiden vmbgehet. Es find nicht
 alle Chymiften die fich dafür außgeben/ ob
 fie gleich Thiriacks vnd Albation Macher
 feind/ vnd muß kochen können/ Brandwein
 haben/ von einem Herren zum andern lauf-
 fen/ vnd gelbe Weichen fuchen/ andern zum
 Nachtheil. Das ich aber mit Golde/ Sil-
 ber/ Mercurio vnd Antimonio, &c. Edelge-
 ftein vnd Perlen vmbgehe/ bin ich darumb
 kein Goltfchmit/ vnnd doch wol mehr als
 ein gemeiner Sophift vormeinen mag.

Diß zeuge ich darumb an/ das die Ge-
 fellen mich oder die Chymiam vngetadelt
 laffen/ habe mit jhnen keine Gemeinfchafft/
 fo wiffen fie im geringften nicht von meinen
 Sachen. So fie nicht jhren vorleumderi-
 fchen Wind im Zaum halten werden / wil

A iijj ich

A4^v

ich dermaßen mein Mußæum bitten/ das es
 mir in die Feder so viel dictiren sol/ vnnd eine
 Schrift öffentlich ergehen lassen/ das man
 sehe vnnd spüre/ was jhre Kunft/ Zustand/
 Gelegenheit/ sampt derfelbigen zugehörung
 sein möchte/ wiewol ich nicht viel luft zu
 zancken/ die Noth treibet mich dann darzu/
 sonft schweige ich ftill/ etc.

L. T.

Mann so man auff ein Würmlein trit/
 So krümmt es sich/ wehrt sich damit.
 Also/ wie einer schreyt in Waldt/
 Deßgleichen Thon jhm antwort baldt.
 So man an Stahl schlecht ein Stein/
 So springen darauß viel Füncklein klein.
 Wann dann darzu kömpt das gerne brindt/
 So wird baldt ein groß Fewr entzündt.

Dieweil sie mich dann also mit Lügen
 ein zeithero beleget/ mich biegen müssen/
 darüber ich sehr entzündet/ wil mich auch
 damit verantwortet haben/ So aber diß
 nicht helffen wil/ sol ein Schall erthönen/
 auff das Land weit genug. Darumb rathe
 ich dir Lügenmaul mit deinem Liedertich-
 ten/ schweig bey zeit/ ehe es weiter brindt/
 sonft werffe ich Schwefel vnd Pech darzu.
 Ein jeder aber sich recht fürsehe/ vnd rieche
 in feinen Bufen/ Befchawe auch was er in
 feinem

A5^r

feinem Schilde führe/ etc. Hierin halt zu gut
meiner Notturfft/ gũntiger Lefer/ vnnd fey
hinfort von den Arcanis mehr gewertig/
etc. Vale.

Iofippi in Hiftoria captiuitatis.

Omnem beneuolentiam & naturam frangit calamnia.

EA eft calumniatoris natura, in cri-
mē vocare omnia, probare vero nihil

Demofth.

Honeftius eft fama, quàm pecunia di-
tefcere.

Terentius:

Qui quæ vult dicit, quæ non vult audiet.

Wer reden wil / was jn gelũft/

Muß oft hõrn was jhn verdreuft.

A v Dem

A5^v

Dem Wolge
bornen vnd Edlen Herren/
Herrn Johann Graff zu Stolbergk/
Königstein/ Rutzschfort/ Wernigeroda/ vnd
Hohnstein/ etc. Herrn zu Epstein/ Müntze
berg/ Breubergk/ Aigemont/ Lohra vnd Clet
tenbergk/ etc. Meinem gnedigen Graf
fen vnd Herrn.

WOhlgeborner/ Edler
Graff vnd Herr/ Wir befin
den in vielen vn³weiffelhaff
tigen/ gant³ gewiffen/ beyder Göttli
cher vnd Heydnifcher Schrifften Hi
ftorien vnd Chronicen/ das die Art³
ney eine fehr alte/ löbliche vnd heilfa
me Göttliche Kunft ley/ fonderlichen
dem Menfchlichem Gefchlecht am
nützlichften. Wie Plinius im 29. Buch
der Natürlichen Hiftorien bezeuget/
d³ Hippocrates (der vngeföhrl³ch vmb
das

A6^r

das 300. Jahr nach erbawung der
Stadt Rom/ ein wenig vor dem/ da
L. Quintius Cincinnatus Dictator
war/ als man gezehlet hat von der
Welt Anfang/ 4277. Jahr/ auß der
Insel Coos/ die dem Gott Æsculapio
geweiht war/ bürtig geweft ift) die
Kunft fo verlohren/ erft wider an Tag
gebracht habe/ Vnnd bezeuget Strabo
im 8. Buch der Welt Befchreibung
eigentlich/ Das man die Krancken/
fo von einigen Sictage erlediget/ in
den Tempel obgemeltes Abgotts/ an-
gefchrieben haben. Auch noch elter
Beweißung/ da Diodorus anzeiget/
das fie Mercurius bey den Egyptern
erfunden/ vnd vor ihm Apis, der Kö-
nig des Landes Ægypti, der erfte Fun-
dator gewefen fey.

So bet arffs nicht vieler Exempel/
Es ftehet im Erften Buch Mofis 50.
Cap: Joſeph befahl feinen Knechten/
den

A6^v

den Ertzten/ das sie seinen Vater fal-
 beten Jrael/ biß das 40. Tage vmb
 waren/ etc. Dann Jacob stirbet im
 147. Jahr seines Alters/ nach An-
 fang der Welt/ 2255. Jahr vor Chri-
 sti Geburt/ 1705. Jahr. Im Jose-
 pho im andern Buch der Alten Ge-
 schichten/ finden wir von dem Heili-
 gen Patriarchen Jacob/ (der etliche
 hundert Jahr/ von etlichen/ vmb
 das Jahr von erschaffung der Welt/
 vngefährlich/ 2230. Jahr gelebet.)
 Vnter andern Gaben vnnnd Geschen-
 cken/ die er seinem Sohn Joseph/ wel-
 cher damals des Landes Rentmeister
 vnnnd Adminiftrator (wie ich fagen
 möchte) in Ægypten gewesen/ ein sehr
 köftliche Salbe geschickt habe. Im
 Achten Buch am 2. Capittel/ das der
 König Salomon Altershalben vielen
 vorgehet/ an Wirckung/ Krafft vnnnd
 Lugend der Kreuter/ Stein/ Ge-
 wächs/

A7^r

wächs/ etc. Was er für ein Naturkündiger gewesen/ inn der Artzney/ mag jeder an bemeltem ort lefen/ hie vmb der kurtze willen vnterlassen. Es habe sie erfunden wer da wolle/ so ist sie jetzt zu diefer zeit den prethafftigen Cörper Menschlichem Geschlechte die nothwendigste vnd nützlichste/ vnd wird ohne zweiffel nach Gott von dem rechten Erkennen aller Natürlichen dingen/ nemlich von Adam/ Jahren ersten Grund/ Anfang vnd Ursprung haben/ dann der Adam sonder zweiffel aller Ding/ Art vnd Natur gewußt hat.

Das es aber eine Göttliche Kuntsey/ vnd von Gott gegeben/ Gott der Allmechtige einen gefallen daran trage. Haben wir des Zeugniss in der H. Schrift/ beydes im Alten vnd Neuen Teftament. Exod: 30. Cap: ftehet/ Das Gott der HERR selbst
Münd

A7^v

mündlich mit dem Mofe geredet/ vnd
geprochen: Nim dir die beften Spe-
cerey/ die edleften Myrrhen/ 500.
(Seckeh) vnnd Zimmet die helffte fo
viel/ 250. vnd Calmus auch 250. vnd
Cafien 500. nach dem Seckel des
Heiligthumbs/ vnd Ohle von Ohle-
baum/ ein Hin/ vnd mach ein heiliges
Salböhl/ nach der Apotecker Kunft.
Exod: 15. Cap. ſpricht der HERR:
Ich bin dein Artzt/ vnnd die Artzney
kömpt von dem Hóchften. Syrach
am 38. Capit: im Newen Teftament.
Matth. 9. Cap. haben wir vberauß
ein ſchönes/ herrliches Exempel/ an
dem rechten warhafftigen Artzt der
Seelen vnnd des Leibes/ welcher ift
der einige Erlófer vnd Seligmacher
Jhefus Chriftus Gottes vnd Mari-
en Sohn/ warhafftiger GOtt vnnd
Menſch/ da er ſaget: Die Kran-
cken bedürffen des Artztes.

Darbey

A8^r

Darbey wol abzunehmen/ das die
Artzneykunt Göttlich/ heylsam vnnd
lößlich sey/ vnd von Gott dem HER-
ren/ dem Menfchen auß Gnaden ge-
geben/ vnnd Er/ der HERR einen
gefallen daran trage/ wie wir befin-
den im Newen Teftament/ derer Ex-
empel gnugfam/ das der HErr Chri-
ftus/ da er den Auffatz/ Blutgang/
Taubheit/ Stumb/ Fieber/ Blind-
heit/ Schwindfucht/ Lähme/ etc. vnd
dergleichen Kranckheiten/ den Armen
fchwachen/ prethafftigen Menfchen
geheilet/ vnd zum Troft kommen sey.
So find wir auch gewiß/ das der vn-
wandelbare/ einige vnnd ewige/ All-
mechtige Gott vnd HERR/ Him-
mels vnd der Erden/ welche der rech-
te Artzt vn̄ erfte Fundator vnd Stiff-
ter der Artzney ift/ fich felbften ein
Artzt nennet/ der hat die Artzney fo
weißlichē vn̄ wunderbarlichen in die
Mut-

A8^v

Mutter des einigen runden corporis
des Erdreichs (den quasi Punct/ inn
die midle der Welt schwebenden/ ja
vberauß groffen/ von den Menſchen
vnerkandten) geſchaffen vnd gepflan-
tzet/ welche eine Erhalterin vnd Erne-
rerin iſt/ vñ den vberauß mercklichen
größteſten Circkel vnd Globel des Fir-
maments auff das allerweiteste vmb
den Punct des ſchwebendē Erdreichs
außgeſpannet/ welcher mit wircket in
allem/ was da in centro mundi gene-
rirt, nit allein in vnd auff der Erden/
ſondern auch in Waſſern vñ Lufft/ in
allen Vegetabilifchen/ Animalifchen)
vnd mineralifchen Dingen. Da iſt
ein verborgener vnd mitwirckender/
lebendigmachender/ weſentlicher/ Ef-
ſentialifcher Geiſt/ welcher allen Cre-
aturen vñnd Gewächſen inn dieſer
Welt das Leben/ das Wefen/ die Ef-
ſentz mildiglich mittheilet/ Dañ auß
Jhm/

B1^r

jhm/ in jhm/ vnd durch jhm/ bewegen
 sich/ vnd wachsen alle dinge. Aber in
 einem jeglichen Gewächs nach feiner
 Art. Diefes alles hat GOTT der
 HERR dem Menschen für die Au-
 gen gestellet/ vnd in die Hände ge-
 geben/ darinnen er sich vben folle/ vnd
 arbeiten das Quintum esse, welches
 die Artzney ist/ herfür zubringen. Aber
 dieses ist inn solchen harten Banden
 verchlossen/ das es nicht ein jeder/
 der darüber leufft/ in einem Hui erzü-
 cken wird/ Sondern ftehet geschrie-
 ben: Im Schweiß deines Ange-
 sichts soltu dein Brot essen. Das ist:
 præpariren, extrahiren, purum ab im-
 puro zu scheiden/ etc.

Also sollen wir die Natur erken-
 nen lernen/ was für wunderbarliche
 Artzneyen darinnen verborgen lie-
 gen (alles von GOTT wunderbar-
 lichen/ aber wenig von vielen schlecht
 B lichen

B1v

lichen betracht vnd veracht) mit allerley vbung vnd Erforschung der Vörmögenheit aller natürlichen Creaturen/ von der vnendlichen Weißheit Gottes / so wunderbarlich in gewisser Zahl/ Gewicht vnd Masse/ einvorleibet vnd vorsetzt/ das sich Menschliche Vernunft/ nicht wie solches von nöthen/ genugsam kan verwundern/ wol zufagen: Magnus est dominus noster, multarumque virium, & immensæ prudentiæ. Vrfach/ jemehr einer suchet/ je weit mehrer vnnd ohne zahl es dargegen anders vnd anders befindet. Zu welcher Speculation, nachdenckung vnd ergründung/ mich niemand anders/ außerhalb Göttlicher Gnaden geführet/ Menschlicher/ dann der fürtreffliche Philofophus. Doct: Philippus Theophrastus Paracelsus vnd der hoch vnd weitberümbte Philofophus Leonhardus Thurneiser,

B2^r

fer, zum Thurn/ der fůrtreffliche ge-
vbte Medicus vnd wolerfahrne in der
Aftronomia, Mathematica, ein rech-
ter Naturkűndiger/ wie deffen feine
hinderlaffene Schrifften zeugnis ge-
ben/ (vnnd dadurch eine vnſterbliche
prærogatiuam zugewarten/ durch fei-
ne Kunſt vnnd Gefchicklichkeit/ einen
vnuorleſchlichen/ vntůdtlichen Na-
men wol verdienet haben wird) wel-
cher den 8. Julij Anno 96. zu Cůlln
in Gott feliglichen entſchlaffen/ vnnd
des orts zum prediger Kloſter zur Er-
den beſtetiget worden/ vmb welchem
wol zu trawren vnd zu klagen/ Auch
zu wűnſchen (fo es Gottes Wille we-
re) das ſolche hohe Műnner noch ein
zeitlang hetten leben můgen/ ſie wűr-
den ſonderzweiffel/ den Liebhabern der
Warheit/ viel herrlicher vnnd nűtzli-
cher Schrifften in offnen Druck her-
auß gegeben haben/ weil es aber alſo

B i j Got-

B2^v

Gottes Wille gewesen ist/ so müssen wir vnfern willen inn Gottes Willen stellen/ vnnd sagen: Dominus dedit, dominus abstulit, sit nomen domini benedictum. Es zweifelt mir aber nicht inn guter Hoffnung/ es werden auch noch jetziger zeit Gottfeliger/ Kunt vnnd Ehrliebender Leute sein/ die der obbenanten hohen Männer Schrifften bey sich haben/ vnnd zur gelegener zeit allen Liebhabern der Warheit/ vnnd der schwachen/ elenden/ verlassenen Krancken sich erbarmen/ denselben zum besten solche Schrifften herauß kommen lassen/ vnd vmb der Gottlofen Welt groffen vndanckbarkeit Willen/ dem gemeinen Nutz nicht vorenthalten. Vnter denen mir sehr gerühmet worden ist/ der Achtbar vnd wolgelarter Dn. Magist: Georgius Cæsar zu Stettin inn Pommern welcher des fürtrefflichen Philo-

B3^r

Philofohi Leonhardi Thurneifers
zum Thurn/ infonder vertraweter
Freund gewefē/ hoffe feiner Excellentz
werden fonderzweiffel/ des Hoher-
leuchten Mannes Schrifften eins-
theils bey ſich haben/ vnd wie vor be-
meldet/ zur gelegener zeit allen Lieb-
habern der Warheit/ vnnd zum Troft
den verlaffenen Krancken zu gut vnd
Wolfart/ inn offenen Druck herauß
kommen laffen.

Vnd ich/ für meine geringe Perſon
bekenne/ das ich bey mir vnbe-
kandte Philofophifche Schrifften vnnd Bü-
cher habe/ ſo zuuor an Tag nicht kom-
men/ die nach gelegener zeit/ ſo ferne
es Gottes Wille/ vnnd mir die Feder
nicht gehalten wird/ allen Liebhabern
der warheit/ fonderlichē den filijs ſapi-
entis doctrinæ zum beſten/ inn offent-
lichen Druck auch herauß geben wil.

Weil dann nun wolgeborner/ Ed-

B iij ler

B3^v

ler Graff vnd Herr/ E. G. hohen ver-
ftand nach/ die Philofophia vnd Spa-
girica Medicinæ nicht allein bißanhe-
ro geliebet/ fondern auch mit höchften
fleiß vnd groffen Vnkoften/ gnädigt
befürdern/ wie ich dañ vor wenig Ja-
ren/ mich mit dem Ehrwir: Achtbarn
hoch vñ wolgelarten Herrn Magiftro
Michaeli Neandro (feliger vnnd löbli-
cher gedechtnis) Abt vnd Rectori des
Klofters zu Eylfeldt (vnd E. G. Herr-
fchafften gelegen) mein infonder groß-
günstiger Herr vñ Freund/ offtermals
viel freundliches Gefprechs gehalten/
wegen der Philofophifchen Alchimia,
vnter deffen er E. G. hochgerühmet/
derer beliebung/ fo E. G. zu den Arti-
bus Spagiricis Medicinæ fonderliche
neigung trage/ vnd mir ohn das gut
wiffend ift/ das E. G. mit fleißigem
nachdencken vnnd finnen/ auch mit
erfahrenheit/ zimliches grundes inn
diefer

B4^r

dieſer Spagirifcher Kunft geübt/ auch
 viel darauff gewendet/ nichts gefpa-
 ret/ fo darauff ergangen/ vnd den Fi-
 lijs dignis doctrinæ viel beforderung
 von E. G. erzeiget/ vnd bewiefen wor-
 den/ welches zu rühmen vnd zu loben
 ift. Dann die fürtrefflichen Völcker/
 als die Ägypter/ Caldeer/ Araber
 vnnd Hiſpanifchen/ feind mit dieſen
 Künften vmbgangen/ vnd jren Nach-
 kommen nützliche Monumenta hin-
 derlaſſen/ alle hinderleffige Faulheit/
 verachtung/ ſchimpffierung/ vorklei-
 nerung der Künfte hindan gefetzt/ vnd
 alfo jnen einen vnfterblichen Namen
 damit gemacht haben/ wie deſſen zur
 anderer zeit/ weiterer vnd mehrer be-
 richt hieruon gegeben werden fol:

Alfo habe ich/ wolgeborner/ Edler
 Graff vnnd Herr/ zu förderft E. G.
 jetzo zu einem geringſchätzigen/ vnnd
 doch wolmeinenden Eingange/ auch

B iiij einem

B4^v

einem jedern gōnftigen nicht aber vor
leumbderifchen Lefer ein kurtzen Ein
gang/ das die Artzney eine Gōttliche
vnd alte Kunft/ vnnd von GOtt dem
Menfchlichem Gefchlechte auß Gna
den gegeben. Diefes Tractetlein a
ber ift zwar eines geringen anfehens/
doch in Warheit wol zu loben ift/ wie
folget: Dieweil es viel wichtiger vnd
nützlich Lehren inn fich begreiffet.
Nemlichen von den Tincturen vnnd
Artzneyen/ die des Menfchlichen
Cōrpers zu auffenthalt/ biß auff den
Terminum vitæ von Gott eingefetzt/
zu erreichen/ vnd einem jeden Artzt
zu wiffen von nōthen. Dann inn
diefem wird das gantze opus Chymi
cum tractiret/ welches von den Philo
phis das Vniuerfal genennet/ vnd mit
allen wahren Philofophis fein kurtz/
richtig vnnd eintrechtiglich fchleuft/
wie in der Turba Philolo: vnd andere
derglei

B5^r

dergleichen Schrifften zuersehen/ Es wird aber doch hierin die Practica parabolischer weise gesetzt/ wie alle Philosophen pflegen/ vnd also jre Eigenschaften vnd art der rede behalten. Wer aber der Author dieses Buchleins sein möchte/ ist mir unbekand/ so viel ist mir aber wiffendt/ das es auß des Ehrw: Ern Johann Jageteuffel alias Trochl, officialen præposituræ zur Naumburgk im ThumbStift/ etc. Handbüchlein geschrieben worden/ darbey viel Philosophische collectanea gefanden/ die auß bekandten Philosophis genommen/ derwegen dieselbigen einestheils vor vnnötig geachtet hierbey zusetzen. Vnd also diß Philosophische Gespräch von dem Fundament vnd Grund der hohen Kunft Voarchadumiæ, contra Alchymiam & Sophiam prohatio. Diß also an ftadt deß Titels gefanden/ welches doch

B v nichts

B5^v

nichts anders inn sich begreiff/ denn
[pagiricam practicam, welcher ift
der Lapis philofophorum. Weil es
aber ein kleines Tractetlein gewefen
zu drucken/ habe ich auß guter mei-
nung darzu genommen/ dergleichen
Materien, als de Auro & Luna pota-
bili, welches inn sich viel herrlicher
Artzneyen begreiff/ darbey die Pra-
ctica gefetzt: Wie ein jeder vnpartei-
fcher vnnd vorftendiger Lefer/ folches
mit Nutz lefen mag/ vnd von Hertzen
wüntfchen/ das es möge allen from-
men vnnd Gottfeligen zum beften ge-
reichen/ wiewol es keinen Authorem
hat/ wil ich einem jedern anheim ftel-
len zu iudiciren, wem es fein möchte/
mir ift es vnbekandt/ jdoch gleichwol/
wol werth/ das es nicht vnter das
Eiß gefencket werdt.

Vber das ift vor diefer zeit ein
Tractetlein inn Latein außgangen/
welches

B6^r

welchs ein erklerung ift/ der Smarag
difchen Taffel des fůrtrefflichē Man-
nes Hermetis Triſmegifti, gefertiget/
durch einen berůmbten Mann lohan:
Garland. folchs/ weil nicht jederman
der ſprachkűndig ift/ von einem wol-
meinendt/ wol inn die hohe Deutfche
Sprach vnlengft vorſetzet worden.

Diefe obbenante verſion mit feiner
des Authoris eigener Vorrede/ habe
ich dem gűntigen Lefer/ vnd der Chy-
miæ zum beſten/ weil ſie meines er-
achtens nach nicht publiciret, hierzu
ſetzen wollen.

Es wollen E. G. jhre wolbegabte
vnd lůbliche Herrſchafftē vnd Land
anſehen/ welche GOTT der All-
mechtige dermaffen ſo reichlichen vnd
vberflűffigen mit allerley Gewűchs
(So Menſchlichem Geſchlechte nűtz-
lichen) als Kreuter/ Blumen/ ſtauden
vnd Gehůltz/ auch mancherley Mine-
ralien von Marcafiten Kiß vñ Koboldt

B6^v

Spießglaß/ Ertz/ Schwefel/ Victrill
 Alaun/ Gorax/ Campher/ etc. auch
 Metallen/ als Golt/ Silber/ Kupffer/
 Bley/ Eyfen/ Edelgestein/ als Gra-
 naten Körnlein/ auch herrliche gefun-
 de Mineralische Waffer/ vnnd der-
 gleichen mehr/ vielfeltig begabet (da-
 für Gott dem Allmechtigen hoch zu
 dancken ist) darüber sich zuuorwun-
 dern. Leonhard Thurneifs: in Pifon.
 das auß dem Melibocifchem Gebir-
 gen/ an dem ort der Vorberg genant/
 zwischen Neffelen vnnd dem Vrberg/
 da kömpt auß dem 7. Grad der Erden
 ein Wafferquel/ der schön/ klar/ lauter
 grün/ durchfichtig/ vnnd gar kalt ist.
 Diefer Fluß führet inn sich feinen
 Schlich/ Golt vnd Silber/ das Golt
 ist braunferbig/ wie ein zerftoffener
 Ziegel/ vnd helt 19. Grat: anderthalb
 Grenn. Das Silber ist wie gezogene
 Trätlein oder Haar/ gantz fein ge-
 diegen

B7^r

diegen zu 15. Loth/ 3. quent. halten.
(So hat man auß den Gruben das
schöneſte Silber gediegen/ mit gro-
ſem Nutz gehawen/ welches vnleug-
bar) zwar hie ſolt Cornelius Tacitus
der alte Hiſtoriographus, ſeine Bü-
cher corrigieren, darinn er Deutſch-
land ſo gar verwirfft/ vnd alles Me-
tall darauß inn Italam, Hiſpaniam
vnd Franckreich führet. Deßgleichen
Plinius/ da er ſagt/ das gar kein gedie-
gen/ fein oder lauter Silber bey vns
inn dieſen Landen möge gefunden
werden.

So iſt die löbliche Graffſchafft
Stolbergk dermaßen damit gezieret/
vnd auff der Mutter des runden
Cörpers des Erdreichs gelegt/ vnd
begabet/ auch mit den obern befreun-
det/ von Gott dahin gelegt vnd ver-
ordnet/ das es allerley von Minera-
liſchen Waſſern/ die Metallen Geiſt-
licher

B7^v

licher vnd leiblicher weise in sich füh-
ren/ alles zur auffenthaltung menſch-
licher Gefundheit/ wie vor bemelt/ die
ſchöneſten Kreuterlein/ auff vnſere
Leiber am dienftlichſten/ wegen des
Himmels (haben die frembden Kreu-
ter krefftiger Naturen/ So ſeind ſie
dennoch nit auff vnſere Chymia tem-
perirt) Man dörffte nicht vber Meer
auß frembden Landen holen/ welches
jetzt an dieſem/ dann an jenem ort a-
dulteriret wird/ vns armen Deut-
ſchen Gut für verkaufft/ wenig ſind
jhr/ die ſolchem nachdencken/ findet
man etzliche wenige/ denen es ein
Ernft iſt/ der Natur nach zuſorſchen/
vnnd darinnen zu vben/ alles den ar-
men/ elenden/ verlaſſenen Krancken
zum nutz/ ſo finden ſich baldt Timoni-
ſche Knebele/ vnnd Verächter dieſer
Kunſt/ die ſchimpfflicher vnnd ſpötti-
ſcher weyße genugſam daruon zu re-
den

B8^r

den wiffen/ verftehen vielweniger als nichts hieruon/ wollen doch für Ge- lerte vnd weyße Natur der ftendige ge- halten fein. Eine fchande vnd groffer Spott ift es/ das die Welfchen Krä- mer vnnd Landfahrer beffer wiffen/ was wir inn Deutchland haben/ dann wir felbft/ wann wir Deutchen für vnferre Fülle fehen vnnd achtung darauff geben/ vnnd gaffeten nicht in fernen Landen vber Meer/ fo würden wir manches mahl nicht betrogen. Es muß jetzigerzeit mit etzlichen Spece- reyen alles Welfch/ Hifpanifch vnnd Indianifch fein/ wann man es gleich auff dem Hartz beffer bekommen möch- te/ vnnd vnfern Cörpern am nützlich- ften/ etc. Hat nun Gott der Allmech- tige vnfern Landen eigenen Wein/ ei- gene Frucht vnd Leibsahrung geben/ wie kömpt es dann das er vns nicht auch die Kreuter temperiret, das wir
fie

B8^v

ſie brauchen mögen? aber es befindet ſich doch das gegentheil.

Diefes in bedencken hab ich E. G. dieſe Tractetlein hiermit vntherhändig vnd willig dediciren, in Druck verfertigen vnd geben wollen/ wider die Mōmos/ welche alles zu tadeln vnnd zu vernichtigen wiſſen/ einen ſolchen anſehnlichen patronum vnd defenforem darzu ſuchen/ damit man ſie deſto ſicherer an das Liecht möchte bringen/ defendiret, vnd gebührlichen vortreten werden möchten/ in vngezweiffelter hoffnung vnd Bitte/ E. G. werden dieſe meine dedication vnd dieſes kleinen Būchlein inn Gnaden von mir auff vnd annehmen/ anders nicht als eine dienſtgefliffene Zuneigung inn Gnaden von mir vermercken.

Der Allmechtige gütige Gott vnd Vater vnſers HErrn Jheſu Chriſti/ wolle E. G. ſampt derofelben jungen
Herr

C1^r

Herrfchafften vnd Frewlein/ Råh-
te/ inn langwiriger Gefundtheit/
glückfeliger Regierung vnnd aller
Wolfart/ zu Fried/ Rhue vnnd Ei-
nigkeit/ fampt allen jhren Landen
vnd Vnterthanen geben vnd erhal-
ten/ vnd vor allem fchaden vnd ge-
fahr gnediglichen bewaren. Da-
tum Northaufen/ den 1. Tag
des Maij/ Anno 99.

E. G.
Dienstwilliger

Johannes Schaubert. S. Organift
vnd Chymicus dafelbften.

[Ornamentik]

C Admo-